

Mazarin  
3468

Reqveste civile contre la  
conclusion de la paix

UNIVERSITY OF N.C. AT CHAPEL HILL



00023010215

**RARE BOOK  
COLLECTION**



**THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL**

Mazarin  
3468



34.68 156

# REQVESTE CIVILLE,

Contre la conclusion  
DE LA PAIX.

M. DC. XLIX.



REOVESTE

CIVILLE

Constitution

1811

W.C. 4-11



# REQUESTE CIVILLE,

## contre la conclusion de la Paix.

**L**ES Peuples ignorans dans l'extrémité de leur malheur, se persuadent tousiours les choses autrement qu'elles ne sont en elles-mesmes, & comme en flattant leur mauuaise humeur, ils se figurent des defauts dans des objets qu'ils ne veulent pas aymer, ainsi ils trouuent des perfections dans les personnes, ou qui prennent leurs interests, ou qui defendent leurs querelles, & qui peuvent ou aduancer ou destruire leur fortune. Je veux dire, Monseigneur, que vous ne serez iamais grand Prince, si vous n'agissez autrement que vous ne faites, & que vous ne preniez vne plus parfaite connoissance de tout ce qui se passe dans le secret de la Cour, les plus sages Princes du monde ont eu des intelligences, mesmes iusques dans les cabinets de leurs ennemis, & ne se contentoient pas d'apprendre la verité par la bouche d'autrui, si eux-mesmes n'en estoient informez par leur propre experience. Si i'auois moins de respect que ie n'en ay pour vostre personne, vos importunittez m'obligeroient de me rendre à la fin plus seuer: ie ne voudrois plus vous decouvrir vn mal auquel vous n'apportez point de remede, & i'aymerois mieux que vous ignorassiez les choses, que de les laisser dans l'estat où nous les voyons maintenant. Pardonnez, Monseigneur, au zele qui me transporte. à l'affection qui m'engage si puissamment à vostre seruice, & à l'integrité de ma conscience, qui ne me permet plus d'estre ny flateur ny retenu. Je veux paroistre en vostre endroit, aussi courageux que sincere; & bien que ie loue vostre deuotion, ie ne puis permettre qu'elle se voye dans l'abondance ou dans la quantité des eues benistes que

A ij



l'on donne à la Cour. En effet, que pensez-vous que soient les postures, les complaisances, les deuotions, les ceremonies étudiées de la Reyne, ce sont des embusches pour surprendre les interêts, des pièges pour précipiter les malheureux, des appas pour perdre les ambitieux, des masques pour cacher la malice, des voiles pour pallier les passions les plus déréglées. Les sots n'y voyent goutte, les plus sages y sont trompez mesme par leur prudence. Ceux qui en peuvent parler n'oseroient le faire, & ceux qui le peuvent n'ont pas assez de hardiesse pour l'entreprendre. Je differe beaucoup à vostre iugement, mais ie l'estime bien foible ou peu versé dans les maximes de la Cour, s'il ne connoist pas que toutes les manigances qui s'y pratiquent, ne sont que des fourbes des plus rafinez, & des tours de passe-passe des plus subtils. La Reyne qui tient le tymon de l'Estat, & qui gouuerne tout, selon la passion qui la tyrannise, ou le dessein de la vengeance qu'elle a conceu contre vn parti qui n'approuue pas les siens, pour se maintenir dans l'autorité, ou pour se faire craindre, donne de l'eau beniste à tous venans; Elle fait croire aux Princes qu'en qualité de Mere & de Reyne Regente, l faut tout renuerser pour appuyer le Domaine d'un ieune Prince, dont l'innocence demande des larmes & du secours, que les peuples ne sont que des victimes, dont il faut répandre le sang sans regret & sans émotion, lors qu'il est question de maintenir vne Couronne qui vaut mieux que mille Nations entieres, que les armes sont tousiours iustes, & la guerre tousiours legitime, quand il faut defendre son Prince, son Roy & son fils. Que les Sujets sont tousiours coupables, criminels, & dignes de mort, lors qu'ils resistent à leurs Souuerains, sous quelque pretexte que ce soit. Mais voulez vous que ie vous parle franchement, vous scauez qu'estant Espagnole, son esprit a des adresses prudentes que les plus clair-voyans ne peuvent éguiser, & dans l'artifice de ces entretiens, comme dans



dans la grandeur de 'ces promesses', elle oblige insensiblement tout le monde à son service, & par la douceur de ses paroles, elle les trompe sans mesmes qu'ils s'en aperçoient. Que fait-elle pour mieux iouer son ieu, elle voit que Mazarin n'est qu'un coquin dont elle se sert comme un homme fait d'un cheual, quand il a un long voyage à faire, & comme ce president de la Cour, qui changeoit autant de fois de Secretaire, qu'il fait d'enfans à ses seruantes, afin que les marians ensemble, il fust deschargé des vns & des autres : le pauvre Secretaire qui auoit enuie de demeurer dans la maison, consentoit d'abord au mariage que luy proposoit son maist' e, & sans considerer qu'il n'estoit pas plustost entré dans le logis, qu'il estoit destiné pour estre jenain, il espousoit librement la seruante, & se rendoit seruiteur du maistre, en deuenant esclau d'une sottise. Vous me demanderez si ie veux conclure par là, que la Reyne se serue purement de Mazarin pour satisfaire à ses passions, & qu'elle vse en son endroit, comme cette Reyne d'Egypte, qui faisoit tuer tous ceux qui l'auoient baisée, de peur qu'ils ne decouurissent ses impudicitez ; le vous responds que mes pensées ne sont pas si mal-heureuses, & que ie ne puis pas iuger absolument d'une chose dont ie n'ay pas une parfaite connoissance. Je vous diray pourtant que dans leurs entretiens, dans leurs regards, dans leurs yeux, dans leur façon de proceder, l'on connoist assez qu'ils s'affectionnent passionnement, & qu'ils ne peuent sans grande violence, se separer l'un de l'autre : S'il est vray ce que l'on dit, qu'ils soient liez ensemble par un mariage de conscience, & que le pere Vincent Superieur de la Mission ait ratifié leur Contract, ils peuent tout ce qu'ils font, & d'auantage, ce que nous ne voyons pas. Mais sçachez, Monseigneur, que toutes ces deferences exterieures que la Reyne rend au Cardinal, ne sont que de l'eau beniste qu'elle iette dessus sa teste, pour effacer les anciens pechez qu'il



a commis avec vn ieune page de ma connoissance, à qui ce mal-heureux a fait sortir l'ame par le cul, & quoy qu'elle seioüe de Mazarin, elle ne laisse pas de se moquer des autres: elle promet à Monsieur de Mercœur, de l'encornaillet d'une Italienne, & de luy faire auoir vn conprecieux, qui est allié à la pourpre romaine, & doré comme ces victimes que l'on offroit autrefois à Apollon, elle luy a promis en outre l'Admirauté de France, & se persuade dans la malice de ses desseins, qu'elle perdra plustost vn prince sur mer, qu'elle n'a fait dessus la terre. Je ne puis vous exprimer les artifices industrieuses de cet esprit ingenieux à mal faire, & à se conseruer dans l'estat où elle est: elle promet également aux grands & aux petits, & repaist les vns & les autres de vaines esperances, & de grands salaires. Que direz-vous, s'ic vous assure, que Monsieur le Prince, qui fut las de sa femme dès le lendemain de ses nopces, & qui ne l'espousa que par consideration, luy ait porté parole pour auoir Mademoiselle, & que la Reyne luy ait promis de faire rompre son mariage, afin de les marier ensemble. Elle pretend par là, s'appuyer des vns & des autres, & en iouant son jeu, se moquer de tous ceux desquels elle a besoin. Mais aussi le Prince de Condé, Monsieur de Mercœur, le grand Maître, & le Marechal de Grandmont, ne cherchent que les moyens de donner à leur tour de l'eau beniste à la Reyne, & luy persuader qu'ils sont ses seruiteurs, pourueu qu'ils ayent de l'argent, & qu'ils fassent leurs affaires. Le Prince de Condé entr'autres plus vilain, que ne fut iamais son pere, demande continuellement de l'argent, & apres auoir tinarié Mazarin durant cette guerre passée, le presse avec des importunités enragées, de le recompenser des dépenses qu'il y a fait, ou du gain qu'il s'esperoit y faire. Iugez de là, Monseigneur, si nous ne sommes pas bien mal heureux d'auoir affaire à des Princes qui sont si lâches ou si interessez. La Reyne n'agit que par passion.



ou par auuglement, elle veut tout ce qu'elle veut, qu'il soit raisonnable ou qu'il ne le soit pas: & pour en venir à bout, promet tout ce qu'on luy demande, & pourtant ne donne jamais rien que del'eau beniste. On ne connoist plus de Dieu dans la Cour, que par benefice d'inuentaite; tous les Sacremens y sont abolis, la pieté ny la vertu, n'y trouuent plus aucune demeure; & de toutes les ceremonies de l'Eglise, il n'y a que l'eau beniste qui y soit en vogue & en reputation. Il faut croire que cette eau soit bien precieuse, puisque les Religieux mesmes en ont voulu prendre, & que les plus sains en apparence, ont approuué l'usage & la communication. Neantmoins, elle n'a pas encore produit grand effet: & bien que l'on l'ait estimée extrêmement feconde, elle n'a encore engendré que des ronces & des espines. Messieurs de Parlement qui se croient les plus scrupuleux, comme les plus deuots, se sont imaginez qu'il falloit, & prolonger & multiplier les Conferences de Ruel & d'autres lieux, afin d'auoir plus de loisir de prendre de cette eau beniste, & d'en verser par deuotion, iusques sur la teste de leurs enfans: Aux vns la Reyne promettoit des Mittres, aux autres des Croffes, aux autres des Abayes, aux autres des Benefices de consequence. L'on dit mesme que le premier President espere d'estre Cardinal, & que l'eau beniste qu'il a receuë de la Reyne, luy doit produire cét auantage pour auoir trompé les Parisiens. Cette eau seroit bien salulaire, si elle pouuoit lauer les noirceurs de son ame; & d'un mauuais Officier, en faire vn homme de bien. Enfin, pour vous parler librement de tout ce qui se passe en la Cour, ce n'est qu'un ieu de fourbe & de plaisterie, où les plus fins sont attrapez, & les autres entierement perdus. La Reyne se moque de Mazarin, Mazarin se iouë de la Reyne, les Princes pretendent tout, & ne possèdent rien: Le Parlement n'attend que la recompense de ses laschetes, & la deroute de son autorité,



Les Partisans feront à la fin des victimes couronnées  
 que l'on conduit au supplice , ou comme à ces animaux  
 que l'on engraisse pour sacrifier. Et apres qu'un chacun  
 à son tour, aura bien beu de l'eau beniste , cette eau fu-  
 neste & mal heureuse, se conuertira en sang, comme fi-  
 rent les fleuves du temps de Moyse, & les Peuples acca-  
 blez sous la pesanteur de leur misere, & sous la violence  
 des Princees insolens, seront contrains d'aualler de mau-  
 uais breuuage, qui leur causera la mort.

F I N.







